



| | | | |
|--|-------------------------------|-------------------------------|-------------------------------|
| Pranuar / Doretuar Punëjoni/Prudato Received/Delivered | 04.07.2022 | viti god year | 2 |
| Organ /Njësia Organ /Jedinica Org./Unit | Nr Prot Br Prot Prot No | Shtojca Prilog Appendix | Sasia Kolicina Quantity |
| SKIMSHICK | 3895/2022 | | 1/4 |



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
 NEZAVISNI NADZORNI ODBOR CIVILNE SLUŽBE KOSOVA
 INDEPENDENT OVERSIGHT BOARD FOR THE CIVIL SERVICE OF KOSOVO

A.nr.297/2019

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti dhe Jeton Koca-anëtarë, me Avdyl Bekteshi-Zyrtar i Lartë për Bashkëpunim Profesional në cilësinë e procesmbajtësit, sipas Aktgjykimit A.nr.2226/19 të datës 09.06.2022 të Gjykatës Themelore në Prishtinë-Departamenti për Çështje Administrative, ka shqyrtuar ankesën me numër A.nr.297/2019 të datës 27.05.2019 të parashtruar nga ankuesi me adresë banimi në Komuna e Malishevës, kundër organit të punësimit Ministria e Arsimit, Shkencës dhe Teknologjisë, në çështjen juridike “*kërkesë nga marrëdhënia e punës*”, duke vepruar në pajtim me nenin 6 paragrafin 1 nënparagrafin 1.1, nenin 16 paragrafi 3 dhe nenin 18 paragrafin 1 nënparagrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datë 04.07.2022, mori këtë:

V E N D I M

Hedhet poshtë si e palejuar ankesa me numër A.nr.297/2019 e datës 27.05.2019 e parashtruar nga ankuesi

A r s y e t i m

Ankuesi sipas Akti të Emërimit të datës 24.05.2013 i emëruar në pozitën Drejtor i Departamentit Ligjore në Ministrinë e Arsimit, Shkencës dhe Teknologjisë (me tej MASHT). Me hyrjen në fuqi të Rregullore (QRK)-Nr.14/2018 për Organizimin e Brendshëm dhe Sistematizimin e Vendeve të Punës në Ministrinë e Arsimit, Shkencës dhe Teknologjisë (*e miratuar në mbledhjen e Qeverisë së Republikës së Kosovës më datë 11.09.2018*) Departamenti Ligjor dhe Departamenti për Integritet Evropian dhe Koordinimin e Politikave janë bashkuar në Departamentin për Integritet Evropian dhe Koordinimin e Politikave dhe Çështjeve Ligjore, me ç’rast edhe pozita e ankuesit në cilësinë e Drejtorit të Departamentit Ligjori është prekur nga ky riorganizim.

Me tej, nga shkresat e lëndës rezulton se organi i punësimit ende pa përfunduar procesin e sistemimit të stafit tepriçë nga riorganizimi sipas Rregullores (QRK)-Nr.14/2018 për Organizimin e Brendshëm dhe Sistematizimin e Vendeve të Punës në Ministrinë e Arsimit, Shkencës dhe Teknologjisë, me

datë 30.10.2018 ka shpallur konkursin për plotësimin e pozitave Drejtor i Departamentit për Integrime Evropiane, Koordinator të Politikave dhe Çështje Ligjore, Drejtor i Departamentit të Arsimit të Lartë, Shkencës dhe Teknologjisë, Drejtor i Departamentit për Arsim dhe Aftësim Profesional dhe Drejtor i Departamentit për Arsim Parauniversitar.

Ankuesi më datë 02.11.2018 parashtron ankesë në Komisionin për Zgjidhjen e Kontesteve dhe Ankesave (KZKA) të Ministrisë së Arsimit, Shkencës dhe Teknologjisë dhe Këshillin e Pavarur Mbikëqyrës për Shërbimin Civil të Kosovës për anulimin e konkurseve të shpallura me datë 30.10.2018. KZKA-ja me Vendimin Nr.2-1K-2471 të datës 08.11.2018 është shpall jo kompetent për të vendosur lidhur me ankesën e ankuesit, ndërsa Këshilli me Vendimin A.nr.774/2018 të datës 21.12.2018 ka shfuqizuar Vendimin Nr. 2-1K-2471 të datës 08.11.2018 të KZKA-së, ka anuluar konkurset e shpallura me datë 30.10.2018 si dhe ka detyruar Sekretarin e Përgjithshëm të MASHT-it që të bëjë rishqyrtimin e rastit në pajtim me nenin 32 të Ligjit Nr. 03/L-149 për Shërbimin Civil të Republikës së Kosovës si dhe dispozitat e Rregullores Nr. 08/2012 për Nëpunësit Civilë Tepricë.

Sekretari i Përgjithshëm i Ministrisë së Arsimit, Shkencës dhe Teknologjisë, më datë 10.05.2019 nëpërmjet e-mailit ka njoftuar ankuesin se: *"në pamundësi që të ri caktohet në ndonjë pozitë ekuivalente ju propozojmë sistemin në pozitën "Udhëheqës i Divizionit për Hartimin dhe Harmonizimin e Legjislacionit" në kuadër të Departamentit për Integrime Evropiane dhe Koordinimin e Politikave dhe Çështjeve Ligjore"*.

Ankuesi i pa kënaqur më propozimin e Sekretarit të Përgjithshëm të datës 10.05.2019, parashtron ankesë në Këshillin e Pavarur Mbikëqyrës për Shërbimin Civil nën shenjë A.nr.297/2019 të datës 27.05.2019, me pretendimet ankimore së Sekretari i Përgjithshëm ka vepruar në mënyrë të paligjshme pasi që i njëjti nuk ka zbatuar vendimin e Këshillit A.nr.774/2018 të datës 21.12.2018, dhe se ankuesi ka plotësuar të gjitha kriteret për pozitën e lira për katër departamente për të cilat janë shpallur konkurset e të cilat janë anuluar nga Këshilli me Vendimin A.nr.774/2018 të datës 21.12.2018.

Bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 28.05.2019 Këshilli ka proceduar kërkesën për përgjigje në ankesën e ankuesit në Ministrinë e Arsimit, Shkencës dhe Teknologjisë, ndërsa kjo e fundit më datë 25.06.2018 ka dërguar përgjigjen në ankesë se bashku me shkresat e bashkëngjitura të lëndës.

Këshilli i Pavarur Mbikëqyrës për Shërbimin Civil të Kosovës në mungesë të kuorumit për vendosje nuk ka shqyrtuar ankesën e ankuesit, ndërsa më datë 21.08.2019 ka njoftuar ankuesin për arsyet e mos shqyrtimit të ankesës, duke e udhëzuar për të drejtën e inicimit të konfliktit administrativ në pajtim me Ligjin për Konfliktet Administrative, kështu që ankuesi ka vazhduar me padi gjyqësore në Gjykatën Themelore në Prishtinë-Departamenti për Çështje Administrative.

Gjykata Themelore në Prishtinë-Departamenti për Çështje Administrative më datë 09.06.2022 ka nxjerr Aktgjykimin A.nr.2226/19, me të cilin ka aprovuar kërkesëpadinë e paditësit tani ankuesi duke e anuluar njoftimin e Këshillit të datës 21.08.2019 dhe ka detyruar të njëjtin që brenda tridhjetë (30) ditësh të vendos lidhur me ankesën e ankuesit të datës 27.05.2019.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën me numër

protokolli 2452/2019 e datës 27.05.2019 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Katalogun e Vendeve të Punës në Shërbimin Civil të Kosovës janar 2015; Vendimin A.nr.774/2018 të datës 21.12.2018 të Këshillit të Pavarur Mbikëqyrës për Shërbimin Civil të Kosovës; E-amilin e datës 17.10.2018 të Konkursin e Brendshëm të datës 30.10.2018; Përshkrimin e detyrave të punës për pozitën Drejtor i Departamentit për Integritet Evropian dhe Koordinimin e Politikave dhe Çështjeve Ligjore datës 05.02.2019; Përshkrimin e detyrave të punës për pozitën Drejtor i Departamentit për Arsimit dhe Aftësim Profesional datës 05.02.2019; Përshkrimin e detyrave të punës për pozitën Drejtor i Departamentit për Arsimit Parauniversitar i datës 05.02.2019; Përshkrimin e detyrave të punës për pozitën Drejtor i Departamentit të arsimit të lartë,, shkencës dhe teknologjisë i datës 05.02.2019; Akt Emërimi i datës 24.05.2013; E-maili i datës 15.05.2019 nga për ankuesin; E-mailin e datës 13.05.2019 nga për E-mailin e datës 10.05.2019 nga për dhe E-maili i datës 23.04.2019 nga për E-mailin e datës 17.04.2019 dhe 05.02.2019 nga për E-mailin e datës 10.05.2019 nga për ankuesin; Ankesën ndaj hapjes së konkursit e datës 02.11.2018 e parashtruar nga ankuesit në Komisionin për Zgjidhjen e Kontesteve dhe Ankesave; E-mailin e datës 29.06.2018 nga ankuesi për Organogrami i Ministrisë së Arsimit, Shkencës dhe Teknologjisë; Kërkesë për anulimin e Rregullores (QRK)-Nr.14/2018 për Organizimin e Brendshëm dhe Sistematizimin e Vendeve të Punës në Ministrinë e Arsimit, Shkencës dhe Teknologjisë nga ankuesi e datës 12.10.2018 për Kryeministrin e Qeverisë së Republikës së Kosovës; Diplomën e datës 31.03.2003 të ankuesit; Librezën e Punës së ankuesit 20.05.1986; Certifikatat e ankuesit; Vendimin e datës 27.02.2015; Vërtetimin e marrëdhënies së punës i datës 14.06.2019 për ankuesin; Dosjen e dhe Përgjigjen në ankesë e datës 25.06.2019; Njoftimin e datës 21.08.2019 për ankuesin dhe Aktgjykimin A.nr.2226/19 të datës 09.06.2022 të Gjykatës Themelore në Prishtinë-Departamenti për Çështje Administrative, emalin e datës 01.07.2022 të

Kolegji për Shqyrtimin dhe Vendosjen e Ankesave pasi ka shqyrtuar dhe analizuar provat materiale lidhur me këtë çështje juridike, ka konstatuar që ankesa e ankuesit është e palejuar, **SEPSE:**

Lidhur me shqyrtimin e pretendimeve ankimore, Kolegji i Këshillit ka gjetur së në kohën e shkresës së atakuar nga ankuesi përkatësisht emailit të datës 10.05.2019 të Sekretarit të Përgjithshëm të Ministrisë së Arsimit, Shkencës dhe Teknologjisë, me të cilin ankuesit i është ofruar pozita e Udhëheqësit të Divizionit për Hartimin dhe Harmonizimin e Legjislacionit ka qenë në fuqi Ligji Nr.03/L-149 për Shërbim Civil të Republikës së Kosovës sipas të cilit me nenin 81 është përcaktuar se: 1.Organe të veçanta për zgjidhjen e kontesteve të punësimit dhe të ankesave në shërbimin civil do të themelohen në kuadër të secilit institucion të administratës qendrore dhe komunale, që ka nëpunës civilë. 2. Procedurat për zgjidhjen e kontesteve dhe ankesave zhvillohen nga këto organe: 2.1. Komisioni për Zgjidhjen e Kontesteve dhe të Ankesave; dhe 2.2. Këshilli i Pavarur Mbikëqyrës, ndërlidhur me këtë, nenin 4 paragrafi 1 i Rregullores Nr.05/2011 për Procedurat e Zgjidhjes së Kontesteve dhe të Ankesave ka specifikuar se: nëpunësit civilë kanë të drejtë për ankesë kundër vendimit administrativ apo çdo shkelje apo lëshim të rregullave ose procedurave të përgjithshme administrative, që ndikojnë dhe kanë të bëjnë me marrëdhënien e tyre të punës”, e mbi këtë bazë ligjore rrjedhë se ankuesi në rast të pakënaqësisë me sistemin e tij të propozuar sipas emailit të datës 10.05.2019 të Sekretarit të Përgjithshëm, i njëjti është dashur që të ushtroj fillimisht ankesë të brendshme gjegjësisht në Komisionin për Zgjidhjen e

Kontesteve dhe të Ankesave pranë Ministrisë së Arsimit, Shkencës dhe Teknologjisë, e me tej në Këshillin e Pavarur Mbikëqyrës për Shërbimin Civil të Kosovës.

Ndërlidhur si me lart, Kolegji i Këshillit ju referua edhe Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës përkatësisht nenit 16 paragrafit 4 me të cilin është përcaktuar se: *Para parashtrimit të ankesës në Këshill, nëpunësi civil apo kandidati i cili pretendon se është dëmtuar, duhet t'i ketë shterur procedurat e brendshme të ankesave brenda organit përkatës të punësimit, andaj në kuptim të dispozitave ligjore si me lart dhe duke marrë parasysh se asnjë provë nuk dëshmohet se ankuesi të ketë ushtruar paraprakisht ankesë të brendshme gjegjësisht në Komisionin për Zgjidhjen e Kontesteve dhe të Ankesave, fakt ky i konfirmuar edhe përmes emailit të datës 01.07.2022 të organit të punësimi përmes të cilit theksohet se " ... ju njoftojmë se në kohën kur kam qenë Kryesues i Kamionit t Ankesave, nuk kam pas në procedurë ankesë nga z. Isni Kryeziu", kështu që, nisur nga ky konstatim si dhe në mbështetje të nenit 129 paragrafi 1 nën paragrafi 1.4 të Ligjit Nr.05/L-031 për Procedurën e Përgjithshme Administrative, Kolegji i Këshillit vlerësoj se ankesa me numër A.nr.297/2019 e datës 27.05.2019 është e papranueshme.*

Theksuar si më lartë, Kolegji i Këshillit pas shqyrtimit të shkresave të lëndës si dhe duke u bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetarja e Kolegjit.

Këshillë juridike:

Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS Lënda me numër A.nr.297/2019

Avdyll BEKTESHI

Zyrtar i Lartë për Bashkëpunim Profesional

Ardita Haxhriqaj-DEMI

Kryetare e Kolegjit

Vendimi i dorëzohet:

- Ankuesit,
- Sekretarit të Përgjithshëm të Ministrisë së Arsimit, Shkencës dhe Teknologjisë;
- Udhëheqësit të Personelit në Ministrinë e Arsimit, Shkencës dhe Teknologjisë dhe
- Arkivit të KPMSHCK- së.

